



www.BibleForChildren.org


Mäateo 1



Editabeti önompo æmæmpoque go adoque apäicä
yædëmadä nänö iñedë Wængongui tömengä anquedo
Gabodiedo nani änongä ingante da pönongä pöningue
Gadideabæ Näatadeta nani quëwëñömö gocantapa.
Godingue tömengä baquecä Mäadiya nani änongä
weca pongantapa. Tömengä ingante Awënë Dabii wodi
pæingä Ootee, Monguimo, ante do
äningä inongäimpa.




Wæyongante anquedo wæætë,
—Mäadiya, bitö guiñenämai ie.
Wængongui incæ edæ bitö imite
nangui waadete pönö acampa.
Bitö ñöwo edæ yædëmadä
badingue bitö wëñcængä
onguiñcængä mancæbiimpa.
Tömengä ëñacä ate bitö
tömengä ëmöwo, Itota ingampa,
ante pemoncæbiimpa. Tömengä
iñömö edæ nangui tæi piñcente
cæcä incæcäimpa.




İninqe tōmengä ingantedö
ante, Æibæ pōni nē Quēwengä
Wengä ingaingä ingampa, ante
apæñecæïmpa. Ayæ Awënë
Wængongui incæ tōmengä
ingante apæñedinque, Bitö
Awënë bayōmi mæimæ
awënë odeye Dabii wodi nempo
dodäni nāni quēwengai bai bitö
nempo adobai
quēwencædänimpa, ante adocä
Itota ingante pōnongä ænte

Awënë Odeye bacæcäïmpa.



İninqe Aacoboidi tōmengä
nempo quēwēñōnānite tōmengä
cōwē tōmēnāni Awēnē Odeye
incæcäimpa. Tōmengä nānō
Awēnē Odeye inguimāmo
iñōmō edæ dæ badāmai
ingæīmpa, ante Wængongui
nānō da pōnōningä Mäadiya
ingante angantapa.




Mäadiya wæætë tömengä ingante,
—Botö iñcempa onguiñcängä tönö
mönämai inte wëñcæ' ædö cæte
manguimoo. Ante wæyongante
anquedo wæætë edæ,
—Wængongui Tæiyæ'
Waëmö Önöwoca
incæ bitö weca
poncæcäimpa.



—Wængongui Æibæ Quëwëngä
tömengä nänö tæi piñæhö incæ
wææ owo bai cæcæcäimpa.
Mänömai beyæ bitö Wëñcængä
Onguiñcængä incæ Tæiyæ
Waëmö ëñacä ate,
Wængongui
Wëñcængä
ingampa, ante
pemoncædänimpa.



Mäniñedë ate Mäadiya wodi wadæ godinque
änämæñë quingæ æidingue Oodeabæ
quëwëñäni näni quëwëñömö adoyömonque
incæ pöningue, Tacadiya
oncönë pö guiidingue
Editabeti ingante,
Waa quëwëmi,
angantapa. Mäadiya
mänömai apæñecä
ëñëningue Editabeti
wodi wengä cæncadë
ongöningue wogæi
wogæi tocantapa.



Editabeti iñömö Wængongui Tæiyæ
Waëmö Önöwoca incæ tömengäa pö guicä
ininque ædæmö pöni ëwocacä bacantapa.

Mänömai badingue
adocä ogæ tededingue,
—Mönö onquiyæncabo
iñömönte bitö
adobique bitö waa
toquinque impa,
angantapa.




Wængongui wamöni imönite pönömenque
waadedinque bitö iminite godömenque
nangui waadecampa. Bitö nē enēnongä
ingante Wængongui
nangui waadecä beyæ'
tömengä adobai
tocæcäimpa.



Itota Codito iimai eñagacäimpa.
Wäänä Mäadiya wodi nanö
baquecãñedë Ootee wodi
tömengä ingante do,
Monguimo, angä eñëningä
inte ayæ' mönãmai
iñongante
Wængongui
Tæiyæ' Waëmö
Önöwoca angä
eñëningue do
yædëmadä bacä
adänitapa.



Yædëmadä ingä adinque
Ootee cöwë nö cædongä
inte, Piinte änäni wæcæ
wæ, ante wædinque,
Awëmö pango
cæcæboimpa,
ante pönengantapa.



Ante önöwänenque pönëningue möwocodë wiimöñongä
Wængongui tömengä anquedo ingante da pönongä
pöningue anquedo iñömö iimai angantapa.


"Ootee, Awënë Dabii pæïmi inömi inte
bitö nänöogængä Mäadiya ingante
guiñenämai æncæbiimpa."




"Tömengä iñömö Wængongui Tæiyæ" Waëmö
Önöwoca angä eñente beyænque ënengä adinque
bitö iñömö tömengä ingante ee
moncæbiimpa. Tömengä Wëñcængä
onguiñcængä ingante mancæcäimpa."



"Mangä pæcä ate tömengä iñömö, Botö guidëmini
mini wæquinque wëncæ wëncæ cæminipa, ante adinque
botö æimo beyæenque quëwencæminimpa,
ante cæcæcäimpa cæbii. Bitö tömengä
ëmöwo ante, Në Ængä inongä ingampa,
ante Itota pemoncæbiimpa," ante
anquedo Wængongui nänö në da
pönöningä ponte Ootee ingante
angacäimpa.



Ootee mǎnii wiimonte ñāni ömæimongä ate
Wængongui nānō da pönöningä anquedo nānō
āmai eñente cædinqe oncönë ænte gocä
incæte guëa mönāmai ingadaimpa.
Edæ bamoncadengä eñacä ate,
Itota, ante pemonte ate tömëna
mäniñedë ate guëa mongadaimpa.



Wäö idægoidi weca nänö pöñedë iinque bayonte
awënë Tetædo Agoto iñömö, Æpominidö iminii, ante
acæte ante cædinque
odömäno ömæ në
quëwënäni inänite
edæ, Minitö
ëmöwo



tömämini yewæimoncæminimpa, angacäimpa.



Ēñēningue adocanque tōmengä mæimæidi nāni
quēwengaiñömö wacä tōmengä mæimæidi nāni
quēwengaiñömö tōmānāni
yewæimoncæte ante
edæ go go
cægadānimpa.



İninqe Oodeabæ Awënë wodi Dabii wodi pæingä
inongä inte Ootee iñömö Gadideabæ Näatadeta nani
quëwëñömö quëwëninque
adobai tömengä mæimæ
Dabii wodi nanö
quëwengaiñömö



Bedëe iñömö gogacäimpa.



Edæ Ootee nänöogængä inguingä Mäadiya yædëmadä
iñongante tömëna nana
gæncaya inguina guëa
yewæimoncæ
godatapa.



Bedëe ponte quëwëñöna
Wëñcängä iñömö iinque
pædinqe bamoncadengä
incæ onguiñcängä inte
iimai ëñagacäimpa.



Mäniñömö mongui incönë iñömö mäniñedë eyede pöni
goti ongönäni ate wædinqe tömëna wæætë
cæñhëñäni cængui oncontaidë
guiyantaidë go guiida ate
Wëñcængä
ëñacantapa.



Īninque guiyantaidē ēñacā ate wānā Wēñcängä
ingante weocoo wini wini caadingue cæñenāni
cænguincadedē ñö cædä
öñongantapa.



Idægoidi cæñināni obegaidi nāni ānōnāni iññōnānite nē
aawēnāni iññōmō eyepancadē adoōncæ woyowotæ a
cōnōnānimpa. A cōññōnāni mōnō

Awēnē anquedo ponte a

ongōñongā
mōnō Awēnē
nānō ñāō
ēmōnō
beyæenque



godongāmæ
guincæ gongæ
adinque nē aadāni
ancai guiñente wædānitapa.



Anquedo iñomö tömənäni inänite, "Guiñenämai
imäewedäni. Mini nangui eñente toquinque ante botö
ñowo watapæ" apænebo eñeedäni.

Minitö tönö inguipoga

tömäo
quëwənäni
adobai adode
beyæenque

watapæ"
tocæminimpa."



"Mönö Awënë Codito iñömö, Æimo beyæenque
quëwencæminimpa, ante në Æengä baquiringä inongä
inte do edæ eñacantapa. Edæ minitö
beyæ ante tömengä



ñöwoönæ
incæ awënë
Dabii wodi
nänö

quëwengaiñömö
eñacantapa."



"Nö impa, ante gote acæminimpa. Wëñcängä
ingante wänä wini wini caadingue edæ cæñinäni
cænguincadedë ñö cädä ate a
öñongä adingue minitö,



Nö impa, ante
ëñencæminimpa."



Ante anquedo añongä wadäni nangui inäni öönædë
owodäni incæ iñontobæ tontadoidi
ongönäni bai tömengä tönö godongämæ
ponte a ongöningue



ämotamini ante
bai äningue
Wængongui
ingante iimäi ante
watapæ apæhedänitapa.



"Wængongui æibæ pōni quēwēnongā inte edæ ñäö
apāite bai emongänö anguēnē. Tömengā
inguipoga iñömö waadete pōnō cæcä
beyænque mini waocabo



edæ gänē
pönenguiminidö
anguēnē."



Ante ämotamini ante bai äningue anquedoidi ööncädë
adodö wadæ æite godäni ate në aawënäni iñömö näni
cabo tededinque, —Mönö Awënë mönö imonte
apæñecä mönö eññenö ante, Æbänö cæcäi, ante
mönö Bedëë gote ædæmö
acæïmpa.



Äninqe pogodo ponte ayönäni Mäadiya
tönö Ootee a ongöñöna Wëñcängä iñömö
cæñinäni cænguincadedë a öñongä
adänitapa.



Īinque adinque wadæ godinque,
Wēñcængä æbänö ingää, ante anquedo
apæñecä nāni eññenö ante gode ä gode ä
cæte wayömö wayömö quëwënāni inānite
tededāni eññenānitapa.




Itota Bedëë nani
quëwëñömö ëñacä
ate mäniñedë
edæ Edode
Oodeabæ awënë
odeye nanö
iñedë

edæ në nö ëñënanï
gobæ nænque tamönö quëwënani
inte Eedotadëë pongadänimpa.
Ponte äninque, —Oodeo
Awënë Odeye iñömö ñöwocä
ëñadingä iñömö æyömönö owocää,
ante ëñencæte ante wæmönipa.



Edæ nænque
tamönö
quëwëñömöni
Awënë nëmö ta
ñongæ` adinque
mönitö



tömengä weca ædæ wææñinque
edæ, Bitö Wængongui imidö
anguënë, ante watapæ` apæñecæ
pömöni imönipa, änänitapa.




Ante apænedäni eñente
wædinqe Edode wæætë
në nö eñenäni inänite awëmö
añete pönäni ate, Nëmö
æyedönö mä pöni tamö
aminitawo. Añongante
tömänäni, Mäniñedë tamö
atamönipa, ante apænedäni.
Eñëninge Edode iñömö,
—Minitö wæætë Bedëë
iñömö mäo në eñadingä
ingante diqui
diqui minte
aedäni.



Tömengä ingante adinque
wæætë adodö pöningue
apæñemini ëñëmoedäni.
Edæ minitö gote æbänö
wëñcæ ingante apæñemini
bai botö adobai edæ gote
ædæ wæcæñinque edæ,
Wængongui Awënë imidö
anguënë, ante watapæ
apæñecæte ante ämopa,
ante Edode
önonque ante
pönëningue
apæñegacäimpa.




Angä eñëningue nëmö në adinäni iñömö Bedëë taadö
gote æimö ayönäni edæ ado nëmö tömënäni nænque
tamönö quëwëningue näni adimö incæ
wo go adinque edæ të wocæ'
goyönänite nëmö Wëñæ'
owoyömö oncömanca
tæcædæca inö næ'
gongæ' adänitapa.



Mänii nani adincönë go guite ayönäni Wëñcängä
iñömö wäänä Mäadiya tönö ongongä adinque tömënäni

Wëñcängä weca ædæ wææñinque,
Bitö Wængongui Awënë imidö
anguënë, ante watapæ
apæhedänitapa.



Ayæ tömënäni nani ænte pönincoo wi æmpodique
oodo tönö ogui waa qui tönö ti nä öni pæqui tönö, Bitö
qui impa, ante pædæ godönäni
ængacäimpa. Idæwaa adinque
tömënäni möwocodë
wiimöñönänite wacä ponte
apæñecantapa.



Minitö awënë Edode weca ocæ' emænte godämai
iedäni, angä eñëningue tömënäni wæætë yaatænque
godinque tömënäni ömæ
wadæ gogadänimpa.




Godäni inique edæ Ootee
wiimöñongä Wængongui
anquedo ingante da pönongä
ponte apæñedinque, "Edode
do Wëñcængä ingante
wæñoncæte ante diqui
mincæcäimpa cæbii."



"Ēñëningue Ootee tōmengä
nänö wiimöönæ ayaönæñëña
incæ ængæ' gantidique
Wëñcængä nāna badancaya
inate ö æñique edæ
Equitobæ gocantapa.
Godique Ootee nāni
wencabo iñömö Edode
nänö wænguinganca

quëwencæ gogadänimpa."




"Go quëwënäni ininque mönö
Awënë Wængongui iimai
ante nänö apæñegainö ante
iinque batimpa. "Botö
Wëñcängä Equitobæ
quëwëñongante äñebo
pongantapa," ante
Wængongui beycæ'
në apæñecä nänö



yewcæimongainö bai edcæ
do iinque batimpa.



Edode guiquënë, Nëmö në nö
ëñënëni botö äninö ante
ëñënëmai inte dæ godänipa,
ante adinque edæ ængui
bacantapa. Ængui badinque
tömengä, Wëñænäni inänite
mäo wæñhöedäni, angantapa.




Äninqe tömengä, Mëa wadepo
iñonte nëmö ta atamönipa, ante
në eñenäni näni änimpoga ante
pönëninge, Mëa wadepo
eñadinäni tönö ayæ eñadinäni
tönö Bedëe quëwënäni incæ
Bedëe eyequei quëwënäni incæ




onguiñcëhänique inänite
mäo wæhöedäni, angantapa.




İninqe nē wæhönäni wæætē
awēnē nänö adinānique
inānite capo ado tedæ
wæhönäni wængadānimpa.



Ayæ ate awënë Edode
wængä inique Ootee iñömö
Equitobæ ayæ quëwëninque
wiimöñongä Wængongui
anquedo ponte a ongöningue
tömengä ingante
apæñecantapa.





"Ootee eñemi. Wëñcängä
ingante wæñoncæ änönäni
incæ dobæ wæñänipa
cæbii. Ængæ gantite
Wëñcängä nana badancaya
inate Idægobæ adodö
ænte gocæbiimpa,"
angä.



Mäniñedë wæmpo
Edode wængä ininque,
Wæætë tömengä
wengä Adoquedao
Oodeabæ
awënë



odeye
bacantapa,
ante tededäni ëñente wædingue
Ootee iñömö, Botö Oodeabæ ædö cæte
wæætë goquimoo, ante guiñente wæcantapa.



Wæætë tömengä
möwocodë wiimöñongä
wacä angä eñëningue
Oodeabæ wodo tebæ
godingue



Gadideabæ
gocantapa. Godingue
Ootee näni wencabo Näatadeta
ponte quëwënanitapa.




İninqe, Näatadönö
ingampa, ante
pemoncædänimpa, ante
Wængongui beyæ' nē
apæ'negaingä
nänö



angainö bai cædinqe
wadäni ñöwo Mönö Codito ingante,
Näatadönö, ante pemonte bai apæ'negadänimpa.



Edæ
Wængongui
incæ inguipoga
quëwënäni inänite nē waadete pönengä
inte tömengä Wengä adocanque
onguiñcængä iñongante pönongä
pongacäimpa. İninqe æcänö tömengä
ingante nē wede pönëna iñömö
tömengä wë womönämai inte
cöwë wæñämai
quëwencæcäimpa.



Odömänoidi 3:23

İninqe mönö tömämö wëncæ wëncæ cæmö inte
Wængongui nänö ñäö bai quëwëñömö guiicæte ante
cædinqe wii eyepæ cæmö inte wii guiimompa.

Odömänoidi 6:23

Mönö waocabo mönö wëncæ wëncæ cædö beyæ ante paga
cæte bai cædinqe Wængongui mönö imonte pönö pangä
wænguënëmö imompa. Wæætë, Wantæpiyæ
quëwencæminimpa, ante adocä incæ mönö Awënë Itota
Codito tönö godongämæ cædinqe mönö imonte önonque
pönö ængä beyænque mönö cöwë
wæñämäi quëwëmompa.



Ebedeoidi 9:27

Mönö waocabo quiquënë në wænguimö inömo inte
adopoque wænte ate Wængongui weca pö
gongæñömonte tömengä apænte ancæcäimpa.

Epetoidi 2:8,9

Edæ Wængongui nänö waadete pönö cægainö beyænque
minitö mini quëwenguinque wede pönëmini baminitapa.
Incæte minitö dicæ nämä mini cæinö beyænque në
wede pönëmini baminitawogaa. Wæætë edæ
Wængongui pönongä æhinque minitö në wede
pönëmini baminitapa. Ìninque, Nämänque cæte
quëwëmo aedäni, ante mönö edæ änämai ingæïmpa.
Ïñæmpa wii mönö cædö beyæë quëwëmompa.



Odömänoidi 10:9,10

Æbänö cæte quëwenguii, ante iimai ante ënepa. Itota Codito Tæiyæ Awënë inongä ingampa, ante bitö önöneca apæhedinque, Itota Codito wænte öñöñongante Wængongui angä ñäni ömæimongacäimpa, ante bitö mimöno pönëmi adinque tömengä ængä beyænque quëwencæbiimpa, ante adode incæ ënepa. Mimöno edæ wede pönëninque mönö Wængongui ayongä nö entawëmö bamompa. Mänömainö ante wede pönëmopa, ante önöneca apæheyömonte tömengä ængä beyænque mönö quëwëmompa.



Wäö 3:16,17

"Edæ Wængongui incæ inguipoga quëwënäni inänite në waadete pönengä inte tömengä Wengä adocanque onguiñcængä iñongante pönongä pongacäimpa. Ìninqe æcänö tömengä ingante në wede pönëna iñömö tömengä wë womönämai inte cöwë wæñämai quëwencæcäimpa. Edæ Wængongui incæ tömengä Wengä ingante inguipoga iñömö da pönongä pongacäimpa. Incæte, Inguipoga quëwënäni nani pante wæquinque, ante apænte ancæte ante wii pongacäimpa. Wæætë inguipoga quëwënäni inänite tömengä ængä beyænque quëwencædänimpa, ante tömengä ingante da pönongä pongacäimpa."



1 Wäö 5:11-13

Ayǣ mäninö ante tömengä, Nö impa, ante nänö
apǣnegainö ante iimai ante impa. Mönö imonte
Wængongui, Mini wantæpiyǣ cöwë quëwenguinö, ante
pönongä æntamompa. Mäninö mönö quëwenguinö ante
tömengä Wengä nē quëwëngä inte mönö imonte
pönongä æñimö inte entawente quëwëmompä.
Tömengä Wengä nempo nē quëwengä iñömö tömengä
wantæpiyǣ nänö quëwenguinö do entawente
quëwengampa. Wængongui Wengä nempo nē quëwënämai
ingä guiquënë tömengä wæætë wantæpiyǣ nänö
quëwenguinö æñämai ingampa. Minitö Wængongui Wengä
ëmöwo ante nē pönëmini iñöminite botö mäninö ante
yewæimömo aedäni. Minitö edæ wantæpiyǣ cöwë mini
quëwenguinö do entawente quëwëmini iñöminite botö,
Eñencæminimpa, ante yewæimömopa.



Mäateo 1-2; Odoca 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter, Sarah S.

Waorani NT (auc) © 2009, Wycliffe Bible
Translators, Inc. All rights reserved.

<https://www.bible.com/bible/230/MAT.1>

©2026 Bible for Children, Inc.

www.M1914.org

www.bibleforchildren.org

